

Date : 27.08.2018
Title : Konvo selepas 14 tahun
Publication : Harian Metro
Page : 64 setempat

64 setempat

27-08-2018

Syalikha Sazili dan Ain Radhi
cnews@nstp.com.my

Kuala Lumpur

Ahli Parlimen Permatang Pauh, Nurul Izzah Anwar menerima kejutan 'majlis konvokesyen' sebagai bekas pelajar Universiti Tenaga Nasional (UNITEN) kerana terlepas peluang berkenaan, 14 tahun lalu.

Nurul Izzah berkata, tarikh majlis konvokesyen beliau, itu mengingatkan kepada peristiwa pembebasan Ketua Umum PKR, Datuk Seri Anwar Ibrahim pada 2 September 2004 selepas hampir enam tahun menjalani hukuman penjara.

Beliau yang mengikut Ijazah Sarjana Muda Kejuruteraan Elektrik dan Elektronik di UNITEN pada ketika itu 'mengorbankan diri' daripada menghadiri majlis berkenaan kerana keluarganya lebih memerlukan sokongan.

"Ini adalah saat yang manis memandangkan saya

menghadiri konvokesyen pada hari pembebasan Anwar Ibrahim selaku tahanan politik dipenjara.

"Ia mengingatkan saya pada saat itu termasuklah tenaga pengajar di UNITEN yang sudah banyak menabur bakti bagi memastikan saya berjaya menamatkan pengajian.

"Mendengar kata-kata (pensyarah) ia berharga buat saya dan saya puji usaha Borak Kopitiam yang berjaya cari gambar saya yang 'selebet' (comot)," katanya selepas menghadiri program Borak Kopitiam di saluran TV3, semalam.

Selain menimba ilmu kejuruteraan di UNITEN beliau turut menguasai kemahiran dan teknik parkir yang hebat.

"Saya rindu zaman universiti kerana ia saat yang sangat sentimental selain saya juga belajar 'reverse parking' (parkir mengundur)," katanya berseloroh.

Naib Presiden PKR itu juga berkata, hasratnya memilih universiti tempatan sebagai pilihan utama sebagai usaha melaksanakan dasar yang



Nurul Izzah terima kejutan sebagai bekas pelajar UNITEN
Nurul Izzah bersama Dr Kamal (kiri) dan Timbalan Dekan UNITEN, Prof Dr Agileswari K Ramasamy (dua dari kiri) serta pengacara Muaz Mohamed dan Sarah Adiba pada program Borak Kopitiam di Sri Pentas, semalam.

dibawa bapanya, yang pada ketika itu memegang jawatan Timbalan Perdana Menteri.

"Banyak universiti tempatan merasakan ada tekanan politik namun UNITEN

memberi saya peluang untuk melanjutkan pelajaran.

"Ketika itu Anwar Ibrahim dipenjarakan dalam kes pendakwaan yang bermotifkan politik, jadi sudah tentu saya dihalang untuk ke

universiti tempatan.

"Sebab utama saya memilih universiti tempatan kerana beliau (Anwar) mempromosikan ijazah pertama mahasiswa di universiti tempatan, jadi kenapa anak be-

liau sendiri nak dikesualikan," katanya.

Nurul Izzah turut menerima momento penghargaan daripada Naib Canselor UNITEN, Prof Datuk Dr Kamal Nasharuddin Mustapha.